

De tertia domo.



Tertia domus significat fratres & sorores, consanguineos, breuia itinera, fidem, & religionem.

Sol ac Saturnus cum primo domino triplicitatis domus tertiae, significant fratres maiores, Iupiter & Mars cum secundo domino triplicitatis, significant fratres mediocres, Mercurius, & Venus cum tertio triplicitatis domino, significant minores.

Primus dominus triplicitatis huius domus si fuerit fortunatus, potens, fratres nati prosperabuntur, & diligent se, si contrarium, dic contrarium.

Secundus dominus triplicitatis fortunatus, maxime si fuerit Iupiter, uel Mercurius, natus erit castus, bonae legis, amator disciplinarum, multa per se inueniet. Si contrarium, erit fornicator, hypocrita, ignarus omnium.

Si fuerit tertius dominus triplicitatis fortunatus in angulo, natus prosperabitur in itineribus. Si infortunatus, dic contrarium.

Pars fratrum combusta, uel dominus fratrum combustus significant paucos fratres. Si haec pars fuerit in decima in aspectu domini decimae beneuolo, fortunatis eos aspicientibus, euehet fratres nati ad dignitatem magnam. Eadem pars in quarta infortunatis aspicientibus, deprimat & deiecit fratres.

De quarta domo.



Quarta domus significat parentes, res occultas, bona immobilia, thesauros absconditos, mineralia sub terra, agriculturam, aedificia, res paternas, & fines rerum.

Primus dominus triplicitatis huius domus, significat statum patris & hoc quo ad dignitatem, qui si fuerit in domo uel exaltatione sua, aut in suo Hayz, receptus a Sole uel Ioue, & fuerit in medio coeli, uel in quinta, significat bonum statum patri, ac nobilitatem, & diuitias, longam uitam, & bonam fortunam. Et hoc si signum in quo fuerit hic planeta, fuerit masculinum. Si signum fuerit foemininum, significat matri hanc fortunam & nobilitatem, & maxime si ipse idem planeta fuerit foemininus. Si hic dominus triplicitatis fuerit peregrinus, cadens, & in malo statu, ac infortunatus, patris depressionem significat, erit uilis & deiectus in malo statu, in mala fortuna & uita, & accident ei impedimenta illo anno quo natus orius est.

Secundus dominus triplicitatis, si fuerit fortis & fortunatus pater habebit terras, excolet eas & laborabit in eis, & inde lucrum habebit. Si fuerit in diuerso statu, erit attentator terrarum, ex hoc habebit labores, & poenas multas.

Tertius dominus triplicitatis fortis & fortunatus, significat quod pater erit homo, qui extrahet thesauros, fodiet mineras, abscindet & aptabit lapides preciosos. Si fuerit in diuerso statu infortunatus, erit fossor, aut quadrabit saxa, aut laborabit in mineris malis & foetentibus.

Pars patris ab infortunatis aspecta, significat mortem patris. Quando pars patris, & pars matris fuerint in angulo occidentis, significant paupertatem & seruitutem illius, cuius pars ibi fuerit. Et hoc idem significant in octaua, nisi Sol eam aspexerit, & significant paruam durabilitatem parentum. Similiter si pars patris fuerit in secunda, uel sexta, octaua, uel duodecima, paupertatem patris significat. Vide septimam domum a parte patris, & si dominum eius iunctum inuenieris cum domino partis patris, pater diligit uxorem, & cognatos suos. Et si dominus partis patris fuerit super terram, & dominus partis matris sub terra, mater praemoriatur. Si fuerit contrarium, dic contrarium. Et si domini harum duarum partium, ambo super terram

ram